



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-214-4/25**
Datum: **15.07.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „GLAS KOMERC“ d.o.o. Gradačac za donošenje rješenja o vodnoj dozvoli za ispuštanje tehnoloških otpadnih voda sa lokacije poslovnog objekta za proizvodnju materijala za završne radove u građevinarstvu (praškastih i tečnih materijala, poludisperzije, disperzije, fasada i glazure) sa pratećim sadržajima, izgrađene u industrijskoj zoni općine Gradačac, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „GLAS KOMERC“ d.o.o. Gradačac daje se vodna dozvola za ispuštanje tehnoloških otpadnih voda sa lokacije poslovnog objekta za proizvodnju materijala za završne radove u građevinarstvu (praškastih i tečnih materijala, poludisperzije, disperzije, fasada i glazure) sa pratećim sadržajima, izgrađene u industrijskoj zoni općine Gradačac na zemljištu označenom kao k.č. 276/3, 275/4 i 275/10 K.O. Gradačac I. Općina Gradačac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „GLAS KOMERC“ d.o.o. Gradačac, obezbijedi da se sistem za prikupljanje, prečišćavanje i ispuštanje otpadnih voda i izgrađene objekte za proizvodnju materijala za završne radove u građevinarstvu (praškastih i tečnih materijala, poludisperzije, disperzije, fasada i glazure) sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti definisane u prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Rezultate analiza dostaviti ovoj Agenciji.
 - 3.4. Čišćenje taložnika, separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „GLAS KOMERC“ d.o.o. Gradačac može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.12. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „GLAS KOMERC“ d.o.o. Gradačac, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „GLAS KOMERC“ d.o.o. Gradačac, obratilo se ovoj Agenciji sa zahtjevom broj:12/5-2025 od 12.05.2025 godine za donošenje rješenja o vodnoj dozvoli za ispuštanje tehnoloških otpadnih voda sa lokacije poslovnog objekta za proizvodnju materijala za završne radove u građevinarstvu (praškastih i tečnih materijala, poludisperzije, disperzije, fasada i glazure) sa pratećim sadržajima, izgrađene u industrijskoj zoni općine Gradačac na zemljištu označenom kao k.č. 276/3, 275/4 i 275/10 K.O. Gradačac I. Općina Gradačac.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-24-001435 od 26.09.2024. godine izdat od strane Općinskog suda u Tuzli-ovjerena kopija,

- Ovjerena kopija Uvjerenja o poreznoj registraciji donesenog od strane Porezne uprave - Kantonalni ured Tuzla, dana 03.04.2023. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-2186-2/23 dana 10.04.2023. godine izdatog od strane Uprave za indirektno-neizravno oporezivanje Banja Luka,
- Rješenje o vodnoj dozvoli broj: UP-I/25-3-40-124-3/20 od 22.05.2020. godine izdato od strane «Agencije za vodno područje rijeke Save» Sarajevo,
- Rješenje o lokacijskoj informaciji broj: 06/1-23/1-886/17 od 12.09.2018. godine izdata od strane Službe za urbanizam, investicije i komunalne poslove, Općina Gradačac,
- Rješenje o odobrenju za građenje broj: 06/1-23/2-879/19 od 17.04.2019. godine izdato od strane Službe za urbanizam, investicije i komunalne poslove, Općina Gradačac,
- Rješenje o odvodnji otpadnih voda sa predmetne lokacije broj: 06/2-23-250/19 od 04.02.2019. godine izdato od strane Službe za urbanizam, investicije i komunalne poslove, Općina Gradačac,
- Obavijest d strane Ministarstva prostornog uređenja i zaštite okolice Tuzlanskog kantona o okolinskoj dozvoli broj: 12/01-1-23-8735/18 od 23.03.2018. godine,
- Dokaz o uplaćenju upravnoj pristojbi,
- Izvještaj o monitoringu kvaliteta i kvantiteta otpadnih voda, broj 7-149-1676/25, mart 2025. godine, urađen od strane „TQM“ d.o.o. Lukavac,
- Faktura broj: 050/24 od 19.03.2024. godine, za pražnjenje i čišćenje separatora i taložnika izadata od strane „HEMO-pral“ d.o.o. Modriča,
- Izvještaj o čišćenju Separatora i taložnika od 15.07.2025. godine od strane „HEMO-pral“ d.o.o. Modriča,
- Ugovor o pražnjenju i čišćenju sabirnog bazena tehnoloških otpadnih voda broj 46/07 -25 od 10.07.2025 godine sklopljen sa „HEMO-pral“ d.o.o. Modriča.

B. Tehnička dokumentacija

- Glavni projekat vodovoda i kanalizacije pogona za proizvodnju materijala za završne radove u građevinarstvu pravnog lica „GLAS KOMERC“ d.o.o. Gradačac, urađen od strane „Rudarski institut“ d.d. Tuzla, decembar 2018 godine (uvid prilikom uviđaja),
- Aneks na Glavni projekat vodovoda i kanalizacije pogona za proizvodnju materijala za završne radove u građevinarstvu pravnog lica „GLAS KOMERC“ d.o.o. Gradačac, urađen od strane „Rudarski institut“ d.d. Tuzla, mart 2019 godine (uvid prilikom uviđaja).

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15), ovaj organ je pokrenuo upravni postupak, te je dana 14.07.2025. godine izvršen pregled predmetne lokacije fabrike cementa sa pratećim sadržajima o čemu je sačinjen Zapisnik o uviđaju broj: UP-I/25-3-40-214-2/25.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Lokacija proizvodne hale građevinskog materijala se nalazi u industrijskoj zoni općine Gradačac u ulici Sarajevska bb.

Pogon je smješten na oko 130 m od rijeke Gradašnice. Tok rijeke je regulisan te objektu ne prijete opasnost od poplava.

Na predmetnoj lokaciji se nalazi poslovni objekat –proizvodna hala spratnosti prizemlje + sprat sa 13 pratećih silosa za smještaj praškastih materijala, postavljenih uz zid hale.

U okviru objekta u prizemlju se nalazi pogon za proizvodnju praškastih proizvoda i emulzija, prostor za skladištenje sirovina i gotovih proizvoda, kancelarijski prostor i kotlovnica na čvrsto gorivo.

Na lokaciji se nalazi i pomoćni objekat –poluotvorena prizemna nadstrešnica za sirovine-deponovanje frakcije. Takođe se nalazi prostor za skladištenje gotovih proizvoda.

Kapacitet pogona za proizvodnju praškastih proizvoda je 1,5 t/h a pogona za proizvodnju tečnih proizvoda je 1t/h.

Osnovni energenti i repromaterijal za odvijanje tehnološkog procesa za proizvodnju materijala za završne radove u građevinarstvu su: mikronizirani kalcijum karbonat, stiren akrilata kopolimer, kopolimer na bazi akrilne /metakrilne kiseline, etar, voda aditivi i električna energija.

Postupak miješanja se odvija automatizovano, pomoću dozatora u pogonu za praškaste proizvode dok u pogonu za tečne proizvode doziranje se vrši ručno.

Postupak transporta sirovina iz specijaliziranih vozila u silos i dalje iz silosa u mješalice je zatvorenog tipa tako da se u normalnom radu ne očekuje izdvajanje praškastih komponenti u zrak.

Tehnološke otpadne vode nastaju od pranja opreme za proizvodnju tečnih proizvoda i pranja radnih površina i iste se odvođe na sistem taložnika radi obaranja suspendovanih materija te na kraju spajaju sa oborinskim vodama sa platoa i odvođe do separatora masti i ulja. Prečišćena voda se preko okna za monitoring ispušta u zatvoreni putni kanal sa ispuštom u rijeku Gradašnicu.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „GLAS KOMERC“ d.o.o. Gradačac ispunio minimum uslova za izdavanje vodne dozvole za ispuštanje otpadnih voda sa lokacije poslovnog objekta za proizvodnju materijala za završne radove u građevinarstvu (praškastih i tečnih materijala, poludisperzije, disperzije, fasada i glazure) sa pratećim sadržajima, izgrađene u industrijskoj zoni općine Gradačac, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Dostaviti:

- „GLAS KOMERC“ d.o.o. Gradačac, Sviračka 29, Gradačac
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava